

簡松草堂詩集

簡松草堂詩集卷十四

錢唐張雲璈仲雅

連雨驟涼

一雨復一雨自然成
早秋軸簾雲氣滿
展簾水紋流花潤
枝枝亞堂虛事事幽
不堪拋擲處
紈扇漸生愁

錫山侯繼蘇秀才

烈

假館武林來
索予詩

予錄寄西湖舊遊諸什
秀才以長篇見贈
作此報之

我生生長湖山麓
拄頰看山飲湖淥
常將冰雪貯

心胸豈許塵埃滋面目無端忽被風吹去身似飛
花不容住一落他鄉二十年回首家山隔煙霧男
兒不能車前有八騶又不能瓊廚金穴錢滿溝但
願出入故里身優游終歲不復知離憂一任宛邱
之舍小如舟一任杜陵屋茆風捲八月秋湖山於
我長作主此意已足輕王侯胡爲乎卜居彈爲半
宅典養鶴更無二頃謀是區區者不予畀更復於
世將何求浮家汎宅成何計空說吾家有故事路
闊曾無縮地方水流自有還鄉意幾行食指鎖長
飢七尺頑軀僅如寄不堪拋擲水雲鄉枉說句留

花月地神仙富貴兩模糊歌管樓臺空綺麗況復
頻年多落魄長嘯乾坤一羈客篋裏靈砂仙去難
鏡中貧女花誰惜但令心逐乞兒車未許肩隨名
士鯽萬卷書生名未通十年太祝官猶昔傷時蒿
苴種無多依樣壺盧描不得歧路惟看白眼遭壯
懷難藉黃金色侯生索我舊日詞我曾寫寄西湖
詩西湖詩才一尺幅中有思鄉淚千斛感君憐我
贈長篇錯落明珠照茅屋羨君作客居錢唐兩峰
三竺容倘佯扁舟來往吳會際吟篷低壓煙波涼
晉陵舊屬浙西路

常州宋爲晉陵郡屬浙西路
元爲常州路亦屬浙江行省君

行猶是鄉程長思君顏色月在梁悅然夢落明湖
塘誓當努力渡江去與君相見稱同鄉嗚呼與君
相見稱同鄉

題趙蘅士悼儷篇

并序

悼儷篇者福建邵武參軍錢唐趙蘅士

日佩

爲其繼室吳氏作也吳故海昌舊

族父大成行賈沒於江吳依母錢氏貧
不能支蘅士有族祖姑幼字於孫卽蘅
士之舅未婚而死趙不肯嫁守貞於孫
知吳母苦節挈以自伴會蘅士失怙外

大父母憐而畜之遂與吳晨夕見時相
兒嬉漸長蘅士見吳端飭心願以爲婦
時蘅士父向傳經已爲聘王氏事遂已
而私念不釋王氏來歸知蘅士屬意於
吳思有以合之而難辱其爲媵無何王
氏病且死臨訣謂蘅士曰我死君若繼
娶無如吳女賢者當以禮求爲繼室我
之志也踰年蘅士始行媒于吳母錢錢
許之蘅士告祖母葉葉以吳寒門不可
事又寢蘅士無聊客遊於外有短蘅士

於吳母錢者錢惑之吳女泣曰母不以
兒許趙生則已旣許之雖其家有異辭
兒無二心也後聞議婚輒涕泣以死誓
蘅士父聞之始爲成禮蘅士之官閩中
挈母女以行情好甚篤生一子二女後
以婉遂卒計歸蘅士僅十年耳寶乾隆
壬子七月二十六日也蘅士痛之甚因
作是篇記其生平梁山舟表兄爲作王
吳兩孺人合傳今年夏託其中表汪厚
田孝廉

應培

以書來乞予詩汪亦予戚

好因附長歌於後而撮其大略如此

海昌有女延陵族早歲伶仃失所育阿父騎鯨學
謫仙去與奇相爲眷屬熒熒母女依爲命弱息生
來自幽靜三春慧眼愛看花八歲長睂能照鏡盡
說年年生計難烏栖許借一枝安攜將春水明珠
暖來伴冬青夜月寒深閨不識効人面兩翅蟬雲
初勝鈿端重能教衆口憐聰明自是前身見綠髮
郎君天水趙宅相人言好年少張岱曾將陸倕誇
王筠頗類袁公貌王昌生小住牆東不比梁鴻質
伯通未妨捉搦時聞曲豈但勝常日再逢此時款

曲心逾重此際形相目俱動市上方乘衛叔羊樓
頭應跨蕭郎鳳子南超乘多瀟灑原是藍田種玉
者門第爭高級鏤家房櫳空待鴛鴦社嚴君慈命
是慈恩從此朱陳別有村玉鏡不辭溫嶠聘剪刀
偏却范雲婚怪君住事成虛約聚鐵難銷六州錯
自分空彈曲裏鳳何妨更射屏閒雀秦家有女字
羅敷膠漆投來漆不如知有韓童憐紫玉難將織
女伴黃姑羨他伉儷多和睦翁媪成來有私祝無
端瘦骨似香桃忽地斑痕染湘竹春月秋花不久
長營齋營奠兩心傷已是萍沙悲柰女難呼妙子

到稠桑單情久把芳徽矚遺言更要鸞絃續東竹
應寬一寸腸栖塵早礙三年目前盟正喜不中乖
張角依然事未諧戚黨早將佳婦待高堂終作小
家猜長安道上黑貂裘落拓情懷事浪遊上計秦
嘉空制淚依人王粲不消憂寄將一紙詩嗚咽灑
出桃花指尖血吟來贏得眼長青焚去方知心愈
熱衛士刺指血寫詩寄吳吳報書責以不應毀傷遺體焚之爲媒鳩鳥時奔走
況復蜂衙鬧讒口萱草臨風意已搖貞松耐雪心
終守紅羊歷盡千回劫人事天時始相合明月終
懸碧海天行雲竟渡巫山峽可惜同心一个人紅

蘭早萎幾番春但教邢尹長相避不使光威得暫
親天從人欲知多少一官更向閩山道本來張碩
戀蘭香還見沙哥領崔嫂流光十載飛如電好事
驚看一朝變不識飛來入座鵲却教錯認投懷燕
分明弱質少周防海嶠風煙總渺茫早使寸衷成
結轡終令一病在膏肓安仁遺挂重難認奉倩哀
情更誰問豈料頻傷雨度心直教併作千秋恨翰
林佳傳堪垂久書法文章兩不朽蘂砑醜謔記前
生逝者於今已無負含笑芳魂趨九泉鰥魚莫更
夜無眠若教灑盡方諸淚恐化愁霖下漏天

題隨園十三女弟子湖樓請業圖

隨園先生古作者絳帳高懸萬閒度一代人爭御
李來吹得春風半天下春風已徧諸名士餘力還
收女才子才女原從閒氣生往往埋沒深閨名自
有先生才不屈脂粉都爲藥籠物一色雲鬟下拜
低兩行玉佩相逢拂湖塘歷落駐鉤車湖樓的爍
明朝霞罽痕染盡麝蘭氣筆露灑開桃李花先生
端坐面一尺觀詩老眼無麻茶舁籃門生見之笑
直恐錯認宣文家畫如眞靈圖位業序如西園記
雅集

前有先生自序

軸如保遜巨杵投人如王母羣仙立

幾樹罌簪荅笑言滿空嵐秀隨呼吸十三弟子皆
名姝增以瓊樹還三株更有公家女鳳雛卷後復增三人
又有侍座後者乃先生猶子婦也不知此外尚有幾明珠何不添
寫第二圖先生此舉從來無展卷未免增盧胡扶
風馬生何太俗但有女樂無女徒

和袁簡齋先生預擬戊午己未兩宴詩

重宴鹿鳴十首

周甲重來老計君秋風猶復張吾軍鹿鳴筵上千
鍾酒都向先生手裏分

誰信蟾宮舊日身桂香萬古滿冰輪分明一柄吳

剛斧斫到而今刃尙新

寓公穩住秣陵天赴宴歸來路近千忘却鳳凰池
上客萬人爭問孝廉船

名書澹墨帖泥金猶向當年憶好音踏徧蓬萊千
萬路一重滄海一重心

詞科罷後第三秋燒尾才看汗漫遊今日婆婆重
入宴始知此物更難求

先生舉京兆詩有信當喜
極翻愁帳物到難求得尙

疑之句

巍巍上相膀中尊譜誼都沾沆瀣恩當日一文兼

一武白頭猶見兩同門

先生與今相國阿公戊午
同出鄧遜齋廷尉之門相

國屢建奇勳而先生以文章鳴世當時謂之一文
一武

扶醉歸來矍鑠翁簪花雙鬢兩蓬鬆銜肩貢客翻
無色多少旁人只看公

但從天上話金鑾不識人間待 詔難六十年來
香在手一枝丹桂未開殘

京兆瓊廚盛宴開故鄉嘉會又追陪先生舊有飛
鳬履兩地應須共舉杯

紀元 天語聽煌煌貢額平添姓氏香從此一

人增一壽祝公還見卅年強
嘉慶元年恩詔各省鄉試廣額大省三十名中省二十名小省十名吾浙例得三十

重宴瓊林十首

種得瓊花萬古春當筵猶見一枝新徐黃稽史分

明在未信先生是後塵

重宴瓊林者徐史稽三相國外又有黃崑岡侍郎

同年端合比孫曾朝貴多從後輩稱留得東方編

貝齒又嘗餅餡到紅綾

曩時釋褐在朝端欲別襦衫似舊歡此日空箱重

檢點宮袍又當故人看

先生釋褐詩云學著宮袍體未安襦衫轉覺脫時難

呼童好向空箱疊留作他年故舊看

盧傳曾玗玉階聽更憶西清響索鈴日下再看雲

五色夜來長護老人星

蓬山萬里許重遊如此浮名不算浮今日槐黃如
再踏文章難壓老龍頭

一曲催妝引鳳聲當年歸娶尙多情先生恩假歸娶有催妝

詞金花燭外雙蓮炬留照羊家夜夜明

仙樂飄飄敞御筵羣英會上共疑年當時一首

瓊林曲譜入銀簫徹九天先生有瓊林曲一篇

上苑看花又幾經還將天酒祝遐齡日邊紅杏春

如海開到公家是歲星歲星之補為杏見類書引典術

翰林舅氏共題名仙籍同時注上清今日見公多

盛事不堪回首渭陽情舅氏梁藪林先生亦是科翰林

三百英雄一瞬看雲泥蹤跡幾更番若將福壽從頭比合讓先生作狀元

題查氏一門烈女編後

并序

前明宛平查振寰

國英

明寰

國才

兩先

生三世居京師甲申之變振寰妻周氏

暨幼女四姑明寰妻張氏暨其女二姑

三姑妾廉氏又振寰寡妹適黃氏者及

其女三姑并妾廉之母同時投繯殉節

越一日賊入室赫然見眾尸之懸也驚

而走時家人逃散明寰避兵於外潛歸

以次就殮至四姑及妾廉繩將絕胸猶
微溫解之而蘇同縊者九人死者七人
編中有傳有辨或稱七烈或稱九烈皆
紀實也惟顧廷尉汝脩書後則統以查

氏一門烈女顏其編時稱允當是編儉

堂中丞

禮

先刻於川北今篆仙觀察

淳

又重梓於京江予得讀而詠之其詳具
原編不贅

闖賊來京城開萬人顏色成死灰海水羣飛天地
慘哭聲如雷驚破膽一條死路通人行丈夫不敢

婦女敢婦女誰宛平查死者誰盡一家一家之中
非一姓九女同時畢一命幾股紅羅血色殷四圍
白面寒光映誰其先者周夫人表率壺內同殺身
雖有黃女與廉母統以查氏無主賓死經二宿無
生理忽訝雙纒將絕矣幼女廉姬竟復蘇此事須
知天所使是日倉皇避兵仗門內何人見死狀天
遣二女親述之奇節流傳始非誑二女願死不願
生其生與死無二樣若教返盡滿堂魂天亦應無
此力量二女可幸亦可危其生幸在賊去時萬一
正當賊始至其事仍有不可知始識天教忍死待

搖搖兩命如懸絲不但死生有定數亦見鬼神相
護持吁嗟乎當日紛紛看鼎沸無數魂貞與魄毅
閨閣都無惜死心朝廷尙有餘生氣

次韻湯畫人落葉四首

馬頭何處認荒村一片蕭疎總斷魂別緒自隨行
跡遠寒情空戀夕陽溫遙天影落鴻歸浦窄徑聲
來客打門賸有隔林霜月在又增蕉萃助黃昏
也復秋容漾曉光不嫌蕭瑟只嫌狂但從空外添
寒色未信人間有豔陽衰草埋頭堆幾尺亂鴉銜
尾舞干場可憐回首繁陰路多事山深夜夜霜

山齋從此合稱蕭漸覺詩情近灞橋不分落花留

蝶夢祇同羈客怨鸞飄高柯誰是歸根地

語云樹高千丈

葉落

歸根仙路難逢聽弈樵一曲哀蟬彈未盡累渠鉛

淚灑千條

平蕪莽莽接寒秋極日常含萬里愁澗斷不妨雲
有路林空恰愛岫當樓對人漸笑難梳髮入世終
嫌易打頭一樣天涯逐流水流時須向御溝流

銅鼓歌用昌黎石鼓詩韻爲趙觀察賦

耘菰先生雅好古示我銅鼓徵長歌我曾聞鼓今
始識無由數典將如何地官鼓人掌六鼓用節樂

舞和干戈韞人阜陶冒以革瑕環漆理常瑩磨不
聞範金有殊製此義未免煩搜羅伏波將軍平交
趾歸鑄馬式高巍巍儀帛謝丁備骨相卓立宣德
依垂阿彼時駱越得銅鼓改作不怕蠻酋阿其名
所起昉自此謂出梁代將毋譌見宋史繩祖學齋佔畢此鼓
形模類腰鼓通身細鏤文如蜥身高三尺面加博
中臍隱起鳴潛鼙聲洪不比吳郡石無煩更削龍
門柯雷霆精銳掩耳走回首壁上飛梭當時鑄
此亦匪易不知幾費登伽佗南蠻鑄金錢如半月形名登伽佗見唐書
鑄成廣庭大眾集金釵爭拔蠻方娥殺牲高會賀

都老哂酒競如馬飲沱由來圖譜不一載博物枉

自誇宣和武鄉南征亦置此此中豈必皆同科三

川百粵所在有冒名諸葛何其多

今皆呼爲諸葛鼓

苗氏

得此便雄視其直可敵千明駝南海神祠有二鼓

土人考擊常來過一出峒戶一潯水兩兩相對如

相磋小長蘆叟有紀載坐想鳴應寒潮波惜哉二

鼓未得見得見此鼓心無願去年湖湘滋蠹勦六

師所向遑敢他睢盱萬衆崩厥角方物競獻無妍

嬰此鼓縱有曷足貴棄之誰屑爲摩挲鐔于之製

似先此古意合供山齋哦先生擁旄在黔粵行軍

復和青堂詩集
更復參鶴鷺當時未嘗有此鼓蕙苴不受讒言那
湖山今養卅年福壽堅金石無憾軻花苗打鼓誦
公德歌者豈無曳落河知公對此懷舊治努力明
德非蹉跎

汪瓠尊以山谷句金石在波中仰看萬物
流爲韻見贈十章卽以所得字奉酬

椽竹斲爲笛爨桐裁作琴不逢蔡中郎萬古無賞
音賞音亦何貴貴此識者心人生有知己微軀重
千金

識字憂患始斯語每動魄惟其憂患中乃具千秋

責吾儕有精氣在此詩書策誰言識一丁不如挽
兩石

我別金牛湖作客二十載朝朝湖上綠與夢爲向
背飛絮入流波一去不可再杜陵頭已白每歎無
藉在

城南有年少相見何蹉跎偶然拖屐來出語春風
和爾室則不遠我心已無頗如以五石瓠揚此萬
頃波

世故無天機難與保始終耿介太絕俗未許言名
通惟君得天和盡埽結習空醇酒顧建康飲之時

一中

年來抱結轡面目落塵埃
乃譽不虞道我兼學
養我深媿斯言微意難自
廣閒身類檣桿未免隨
俯仰

古人愛官職每恥尸位餐
今人博仕宦惟以救飢
寒劉龍守廣州尙爲婁人
歎士處簞瓢中莫作貧
賤看

努力崇明德努力加餐飯
人生天地間何容有他
願文章不嫌多只要絕枝
蔓不見春來花其數乃
有萬

君才去矜張裁詩細意慰使我浮氣斂猶未得髣髴我本骯髒人首常爲之屈知君腸無他知君言有物

中庭有老樹颯然生金秋拔劍不斫地恐氣衝斗牛安得同心人解我千歲憂思君隔重闔矯首明河流

葛丹井廣文自興化來郡省其座主謝薌泉侍御出示隨寓菴落成詩因次原韻二首

安閒差喜得書巢莫學朝來運甓勞官職底須句

漏令家鄉只隔廣陵濤園因庾信何嫌小詩到劉
郎始自豪敢笑先生打頭屋定能飲酒讀離騷
燕勞蹤跡每西東忽漫吹來絳帳風尊酒心情憐
杜老短檠世事對韓公謂侍御談深廣座屏圍綠吟
共寒宵燭刻紅顧我浮家如斷梗一枝翻羨旅懷
空

題崔朗峰積書圖

有書在讀不在積不讀雖教積何益有書能積始
能讀不積又愁讀不足二者兼之誠爲難熊魚皆
嗜將何餐世閒不少仙畢士往往抱守殘編殘博

陵四十猶青鬢膝下奇童如到盡昂藏嶷立四寧
馨桓山之羽常看振王家成器璠璵重韓氏知名
經緯用已教得半比荀龍還更誇多逾薛鳳崔翁
要兒讀等身廣搜萬軸縹緗新錦罽之色繡繽紛
芸香之氣吹葢薰琅琅高誦驚四隣插架不許凝
纖塵乃翁善積兒善讀不負一世翁辛勤君不聞
百萬一聚黃腸幪千萬一庫懸紫標人生封殖定
應爾似君母乃成虛榜又不聞蔡邕談藉論衡助
郭象生倫向秀注古來剽竊亦成名何用楹書遠
相付君家諸郎頭角露自是生來有奇悟十三或

成國僑贊十四或作蓮花賦目十行下萬言誦區
區所積何足數翁宜更入宛委山黃帝巖嶽相躋
攀來覓繡衣蒼水使採取玉字銀編還又宜徑入
瑯嬛洞紫字丹書莫虛擁門前驅逐兩白龍搜得
三墳九邱重吁嗟乎壯武載書三十乘天下奇書
來取正河東秘書三篋亡屬車默識無遺忘吾家
故事我無一更復披圖爽然失直須來學癡茂先
欲賃君家住十日

春來麥苗甚茂而慳於雨澤日見蕉萃當
事者殊無祈請之意慨然賦此

日日茅檐放老晴芳畦愁見兆初橫但看紅旭當
空麗無復黃雲市地輕拜爵未容誇宿命請天何
以報長生憑誰更續坡公記一角閒亭志喜名
太守將至新時

誰能首下與尻高請命應須不憚勞造物自來無
竭澤當官如此已屯膏難隨鄭守行車至底用樂
仙異術操安得一犁霑足後笠簷袂向東臯

武德騎尉湖北襄陽縣呂堰巡檢王君殉
難詩并序

君名翼孫號聽夫長洲人官湖北襄陽

縣呂堰驛巡檢嘉慶元年二月邪教倡
亂賊起襄陽縣之黃龍璫蔓延附近君
團練鄉勇立備賊章程入事期與士民
死守殺賊甚多會賊大至兵少援絕君
知不可爲乃上大橋罵賊爲賊所害死
於橋下不得其尸僅遺衣冠而已年才
四十事聞 晉階武德騎尉世襲雲騎
尉入祀昭忠祠事詳秦小岷觀察行狀
及君兄鐵夫廣文行實中

覆舟墮馬落海汊平生奇險可怕

君平生遇此三險九

死不死死有所天遣成名兵刃下蟻賊萬衆趨襄
陽驅殺民庶如驅羊烏合之勢孰可當巡檢王君
志慨慷官勢雖失氣自揚官力雖竭心猶強進不
可戰退不守擒賊尙欲擒其王赤手不持一寸鐵
赤心但有滿腔血上橋罵賊目盡裂賊手刃君完
君節骨肉終憐何處寒衣冠常覺當時熱
九重聞之心爲悲 褒忠議卹次第施祭有常典
祿及世巡檢之官乃不卑八事煌煌計誠遠殘兵
無援事已晚斯人自合寄封疆可惜區區一呂堰
橋下陰風吹水黑身不殺賊魂殺賊

君歿後賊再
過呂堰者無

不敗蓋君靈襄陽之人皆動色吁嗟乎生盡職死
陰挫魴之報國千載應傳王武德

徐知誥水亭

江都志亭在城北隅唐獨孤及建徐知誥夜引朱齊邱祕謀於此

參軍驕橫蒼鶻辱筵上吳兒皆側目副使頭汗都
統刀養子州兵渡江速延賓亭接四方士朱駱王
徐計應熟誰將天祚改昇元惟有齊邱祕謀獨廣
陵城北獨孤亭深夜談言費樺燭卽今遺址不可
尋空令遊人動遐矚在昔南唐建號初烈祖天才

工詠竹化龍形狀已依稀

李昇詠竹句

早使當時見頭

角義祖虛將徐氏尊慶宗苦向唐家續難拌州地

一十四空笑英雄三十六九華先生青陽公禪代

功成占枚卜華林廣座獻佳句羯鼓詩篇遠凡俗

乞骸願在九峰巒欲使千秋識知足退居未久作

太傅翻對鍾山憐蹉跎割地甘心作小朝遺謀枉

自居華屋德明已死陳覺流放去終爲黨人哭此

亭不及鳳凰臺短碣猶看題句端

宋齊邱有題建康鳳臺山亭子

五言三十韻昇元三年奉勅勒石見西溪叢語

孝先寺古久荒涼故第何

人弔芳躅

知語故第後改孝先寺亦見邑志

一代君臣總渺茫至

今莫唱檀來曲

和人迎春詞四首

暖風昨夜渡江來
又見東郊淑氣回
欲識人間春信早
隔牆先探一枝梅

綵仗青旂滿眼前
重煩造物費雕鐫
四時好景從頭數
合比人生美少年

相逢何惜舞婆娑
陌上誰聽緩緩歌
拌却春寒四十五
雨絲風片泥人多

俗諺數九云五九四十五窮漢街頭舞不要舞還有

春寒四十五

春光漏洩柳條知
會見名花發舊枝
只願生來長

富貴牡丹開到不嫌遲

梅壑硯記冊爲查篆仙觀察賦

梅壑老人老作客以石爲田田不瘠螺丸磨出瀋
三升灑徧淮南有遺蹟淮南遺蹟人共寶故物飄
零逐秋草一抔黃土尙荒涼手澤雖存更誰保潤
州觀察公宗人水源木本敦所親已表墓門留短
碣又從蘭若得家珍百年遺澤欣重見僅此區區
一方硯二瞻小印匣底鐫如識騷壇文士面要知
此硯在當年東抹西塗供染翰書名直入米顛室
畫法亦擅倪迂變歲華閱歷管屢禿風雨飛馳腕

幾斷如今過眼已雲煙舊物青瑣每同看摩挲早
動後人憐持護翻蒙法侶讚幾番流轉在祇林忽
漫相逢共驚歎彼佛信口談因緣我亦道此非偶
然小物亦自存淵源始識人事終由天君不見張
氏之硯外孫傳王氏之硯壻共延敬宗硯得莘老
憐延和硯落侯生邊前人物每後來得未若茲硯
世德留其先年年杯酒澆寒食浣筆留題心尙惻
越思何妨越客吟楚弓原應楚人得

無錫泰伯瀆有保安寺楊龜山先生講學
處爲古東林書院邵文莊二泉讀書其中

日久蕪圯邑人黃尙典建仰止樓祀文莊
而不及龜山今春賈素齋崧偕同志增祀
先生而以文莊配焉并紀以詩雲璈亦繼
作

城南蕭寺舊東林講學猶堪故址尋一邑弦歌仍
雨化千秋俎豆已煙沈敢將祀典存升降自有名
賢論古今手撚溪毛薦明德靈風從此識來歆

祭詩圖爲賈素齋題

去年詩藁埋幽地曾倣復愚文冢例今年更寫祭
詩圖爲說君家有故事君家故事傳浪仙雕琢肝

腎空自憐祀之酒脯何太薄精神雖損其名全素
齋居士廣此意辛盤一一羅芳筵吾儕有詩皆可
祭吟蘓常許良朋聯人人腕下五色筆人人心上
千絲血神光離合乍陰陽純是靈機空際結我方
展卷心爲摩笏有觀者相盧胡人生奇窮正坐此
此物毋乃如夔臚去之恐不速而更畚耨臚何
爲乎我聞搖首稱否否斯語未免拘於墟百年富
貴終何有惟有名山藏不朽李杜之骨久已枯李
杜之名長在口生來縱使不工詩未必封侯卽如
斗賈生佳句滿乾坤能使公卿下階走虛名亦復

何負人到處逢迎事非偶題詩捲畫置上坐成臯
成仙無不可居士聞之屢解頤從此耽吟計應果
安得世閒無數李才江十萬黃金來鑄我

羅浮胡蝶四首用曝書亭集原韻

人閒何處有雕蟲海國初隨舶趁風染出燕支留
活相簇殘金縷費神功影依香霧迷離外夢入紅
蕉宛轉中多事臨川三百首也應對此句難工
晴日軒牕作態飛韓憑去後見依稀扇繞曉影輕
鸞舞屏錦宵涼孔雀圖齊雨不消前度粉海霞先
上幾層衣時新漫入凡梭手合付銀潢織女機

攜將嶺外趁歸駒春到仙山氣候殊
五色雲蟠雙疊翅萬花香奉一莖鬚
蠻方賤詠堪分綵瑤笥衣輕孰比銖
與爾風前同作客年年鄉思未應輸
休將輕蛻往來齋蹤跡應同感雪泥
放去定愁歸路遠飛來恰與畫簷齊
佛桑樹豔風初暖夜合香封月易西
夜合花封之經宿化爲更乞海沈銀葉
大胡蝶見酉陽雜俎火桐花幺鳳並幽栖

輓唐丹谷

無錫人善讀書能文賈於揚硯年七十一

芙蓉城畔氣冥冥主者誰參石與丁
萬古心傷朝露曲九原身是少微星
但從姓氏存交誼自有文

章作典型一片羈愁消不得靈風吹徹惠山青

日日雄雷旱氣驕躁龍狂鳳不堪招塗身已乏旃

檀味撒手先登沆瀣霄

君歿以六月六日時方酷暑故云白旃檀塗身能除

一切熱惱而得清涼見白香山詩自注引華嚴經

事去蒼苔留漠漠人來

白馬易蕭蕭魂歸定跨揚州鶴只恐難纏十萬腰

步韻和魏春松太守成憲送解二首

才思紛紛下水船競充秋賦桂香天銅符聲望歌

來暮

太守初下車

玉筍班行快睹先一曲屏星推去轂

廿年珊網重名賢卽今說士甘於肉休認長齋繡

佛前

時禱雨止殺

槐黃重見一番新駐罷瞻帷正燕賓路以曾經原
易指才因能愛始逢真國中詎有懷甄俗門外應
無策蹇人用唐盧肇事多少菰蘆翹首望望公誰更躡
前塵

蟋蟀

蟋蟀有何苦聲聲訴夜長但盈愁客耳難斷貴人
腸白露生涯薄黃花病翮涼遭逢應自慰豈少半
閒堂

讀魏春松太守禱雨文有感而作

廣陵太守吾鄉彥十載郎官致方面

聖主臨軒溫語垂青童迎舞來蘇旋傳車迢遞三
千里印綬牽來吏民喜到官正值雨愆期請命殷
勤文一紙一紙琅琅誦向天下首高旃不能起萬
人感歎使君愁直恐有苗終槁矣我聞祈雨法自
古貌取神龍築以土中央四方按十干更使丁男
相率舞又聞畫魚左顧游天龍十星圍四周金盤
滿注鵞項血阜旛植竹陰風颭夷陵鞭石亦徒爾
成都巵酒將何由此事在誠不在法上下須協天
人謀太守西曹久讀律自懼刑章或有失文有西曹奉職
或在刑章之句此念已足召天和四野淋浪應可必公今

下車無十日枉濫何容失其實惟看成案積如山
鑄錯空糜六州鐵平反未遽朝期留滯何難片
言折卽今入邑如覆盆安保羣司意無忽

天子每當亢旱時明詔常教頒尺一皇皇庶獄
待釐清此意推崇每所竊願公一檄下僚屬輕繫
無辜立時雪莫將嘉石累罷民要使閭門廣仁術
雨澤原從膏澤來天心自與民心壹佇看東井奉
天符鬼馭神鞭陰帝出銀潢屈注作甘霖卑稊高
禾一時密憂者以樂病者愈何必有功歸造物讀
公文句感我心未免豐干易饒舌

雨夜悼小外孫女引珠

瑟瑟涼宵雨傷心正感秋無聲垂暗泣如語訴離
愁稚魄經時冷嬌顏不暫留一棺蕭寺裏憐爾滯
深幽

簡松茸堂詩集卷十五

錢唐張雲璈仲雅

秋海棠絕句八首

牆陰幽思苦難勝
寒綠苔花隔幾層
誰遣千行斷腸雨
盡將紅粉作紅冰

瑟縮秋涼晚更添
分明小立怯風尖
瑤墀一片珊瑚影
微送橫波入畫簾

萬枝清豔太多情
分得傾城蜀府名
一樣輕陰乞持護
綠章也要奏通明

陸放翁詩綠章夜奏通明殿爲乞輕陰護海棠

不羨明燈照晚妝
何煩錦障護雲光
退紅衫子生

來薄莫遣金風徹骨涼

不信當年淚點乾
沿階試摘落英餐
無人解識相思味
此味原來只帶酸

秋海棠味酸

秋容如此算清華
冷露濃霑翠袖紗
天與彭郎消舊恨
留將香氣補春花

蘋紅輕薄易摧殘
幽恨重重傷畫闌
若把穠春比妃子
此花合當馬嵬看

繞徑涼煙澹未收
檀心長抱十分愁
砌蛩不識春如海
也對明妝過一秋

西山山居二圖

松靄山房讀書
冷泉覓句
爲魏春松

太守題

晨興鄉思動坐想湖上綠打門長鬚來涼雨霑兩
足云是使君使持示圖二幅當年西澗路山房占
崑曲長松淩蒼冥風勁時謾謾層陰檐際壓疑是
白日速嵐氣不上升倒捲入茅屋指點橫經處几
席動遐矚經行向冷泉驚嶺注飛瀑張口噉白雲
清氣出空腹怪底佳句瘦洗却塵萬斛狂吟驚宿
鳥莎徑飛撲鹿樵夫見之笑山鬼駭而伏君昔於
此時一意赴幽獨十載宦春明清景時在目披圖
一流覽往事或振觸今來典大郡甘澤隨車沐我

歌益昌行人道蘇州俗歐蘇遺蹟在公餘繼芳躅
區區山居意豈屑更徵錄我客逾廿年家無一塵
卜願乞圖中景假我成小築燒筍作晚炊比似簞
簞谷頗傲太守饒胸有千畝竹

紀夢

戊午十月十六日夜夢與人談詩有以
芙蓉命詠者不許屬思因應聲云芙蓉
顏色少人知正是江頭日暮時若使春
風不相妒也同桃李鬪芳姿隨吟隨醒
心異焉卽用原韻以紀其事

夢中綵筆有誰知
身似芙蓉耐冷時
莫笑秋風易
蕉萃年年人說拒霜姿

家友棠孝廉有愛女得珠字汪生

薄

歸有

日矣女忽中暑暴卒友棠賦詩四章志痛
索同人題詠作此奉慰

秋氣分明動井梧
那堪殘暑尙如爐
而今撒手清涼界
始稱生來雪作膚

幸免人間說長殤
却從早下惜年芳
乃翁不灑悲秋淚
爲爾縱橫一萬行

九霄風露不禁寒
清淺銀潢欲渡難
誰料七香車

一兩翻從天上化金棺

曾是深閨問字人明珠脫手已成塵直須死作嬰
兒子環瑱長留未嫁身

無端七日臥伶俜恨殺刀圭總未靈爲怕慈親腸
易斷不留苦語更丁寧

病發卽不能語

珊珊認得舊房櫳冷翠零膏跡已空牋有思親夜
臺淚更無人寄一壺紅

良期七夕倍堪嗟正值營齋弱壻家此際雙星也
淒斷不教鸞駟馭靈車

厝來設奠正當七夕

再世因緣未許參此中情味我會諳采娘只要長

爲女不願重來更作男

子方抱外孫女引珠之痛

儀徵張孝女詩

并引

嘉慶三年春儀徵貳尹中州申橋門

湖

洋奉檄治城河至城西北隅見菜園中

有臥石詢之土人云昔年相傳有孝女
被焚於此往往出爲祟此石所以鎮也
申大笑曰焉有孝女而禍於人者因命
啟石視之有大書孝女赴火救父處七
字背有記略云孝女張氏巧姑年十四
父天相病不仁兩兄皆業木工營作於

外惟女侍養乾隆甲子里人不戒於火
時女在門外竄身入救父遂與廬舍同
燼焉翌日檢其尸見女胸次有四手蓋
已負父於背而不能出也可哀已貳尹
爲申於上官得請旌於朝立祠江干
並徵詩文以流傳其事雲璈亦繼詠焉
孝女赴火救父處道旁大書事可據五十五年蹟
早湮過者紛紛掉頭去眞州貳尹事疏濬短碣城
隅尙堪認問之士人語不詳父女傳聞記同燼窻
魂往往出爲祟此石分明遣相鎖貳尹聞之粲然

笑孝女作殃吾不信挾苔剔土審視之石猶完好
無缺虧其陽有題字其陰有銘辭事頗具顯末一
一無所遺孝女知父不知我孝女見父不見火日
火惟求父得生負父還將火回荷苦向炎威抵死
爭不知烈燄隨身裏可憐塗地肉已糜猶覺救親
力逾夥一靈幸與所生依百骸寧共飛灰鑊女魂
不作碧血燐女心定化金蓮象當時赴火惟女獨
或死或生更誰告若非四手宛在胸安得萬人齊
屬目貳尹亟向大府陳朝命一下無逡巡始知
顯晦事有數出祟之說非無因孝女魂魄未必更

戀此應是多年呵護之鬼神吁嗟乎曹娥十四殉
父死巧姑之年亦如此一死於水一死於火千載遙
遙兩女子水火無情姑勿論我於其事有深恨恨
殺當時不反風此咎直欲歸天公

嘉平五日大雪用東坡江上值雪效歐陽
體限不以鹽玉鶴鷺絮蝶飛舞之類爲比
仍不使皓白潔素等字韻

繩牀八尺支枯龜夜深脚冷衾先知四野無聲街
鼓寂燈暈閃閃牕風吹朝來羸童報乾雨客心喜
撚吟邊髭開門一色浩難辨上下凍合無流澌劉

伶欲埋誰具。鋪范瘞縱上。難騎危千山。濕融雲母
片。一箔寒折琉璃絲。葛三作繪不可見。滕六阻獵
終何爲。襄城畫劍吟未識。唐宮投火愁空持。乍憐
東郭道中履。凝想姑射山中肌。幽蘭儷曲謝氏賦。
桃花礧面盧家兒。天工萬手不怕凍。六出細翦嚴
晨時。門前客來似新婦。深閉不敢舉車幃。道言適
從野橋過。南枝已弄迎春姿。便思拖屐試尋訪。同
雲滿眼無滲滴。兜羅裝緜裹大地。冰壺濯魄凝前
埤。神仙中人亦何有。氎裘盡作王恭披。卽今西川
師未撤。賜貂萬里如飈馳。檻車早晚獲元濟。快

意一飲傾千卮書生志在祝豐稔歌成歧麥行相
隨臘中倘許得三見再拜當以公呼之東陽夜怪
錄敬去文
詠雪云愛此飄飄六出公言呼雪爲公猶呼竹爲
君也

貧不能與計偕殘年雨雪旅館蕭然率賦
四章呈吳穀人侍讀李齋生教授

誰憐范叔一生寒雨雪天涯歲又殘已對東流傷
往事難從西笑說長安神山不待風前引鉅鹿先
爲壁上觀此去諸公應袞袞可能容我尙彈冠
杏帶紅輕慘不舒曲江心事分全虛纏腰尙見神
仙鶴買券偏忘博士驢李賀引嫌非爲諱昌黎欲

上竟無書客身贏得隨時嬾一卷移文伴索居
此中消息本無由三十年來總浪遊豈復紅妝容
老女難將青眼付名流行歌祇自彈牛角溫卷憑
誰拜馬頭但乞金門一囊粟長飢臣朔更何求
微軀翻算得天憐不放衝寒再著鞭草色泥人生
故砌梅花留我過新年縱教見獵心空喜漫說搏
風翅易聯却似長貧劉太守時聞室鬼一嗚然
和嵇曼叔消寒四詠

糊牕

一白能教室更虛并刀裁出雪痕舒映來曉帳偏

疑遠看到流塵尙覺疏香霧暖迷金翡翠月波涼
逗玉蟾蜍隣家只解紅蠻隔穩放琉璃水不如

圍爐

犀簾深護舊房櫳獸炭春生促坐中凍萼乍舒千
點白酡顏添與一分紅心依殘火終難撥淚搵輕
衫正待烘鳬藻辟邪空復爾風懷誰問小憐馮

補裘

一領羔羊歲月更重煩弱綫爲經營意當熨貼常
憐細身御蒙茸自笑輕傲骨暖支貧士態柔荑寒
戀美人情川西尙有閑兵甲莫負深宵放翦聲

烹雪

收殘碎玉已流澌好向風前石鼎搗潔色反嫌融
後減寒聲常覺沸來遲吟依活火紅深候坐愛疏
筠綠折時我似長貧陶學士年年慙魏黨家兒

浮山禹廟觀山海經塑像四十二韻

江都縣治西有石同培塿得毋類地肺或可比石
紐巍巍白馬兒廟貌建已久鼎旣鑄神茲土復範
妍醜門前諸塑像奇怪得未有土功徵狸力水祥
見長右畢方火爲訛聞鱗風是吼鍾山燭龍潛平
園英招守鵲旣怪多足獬又笑無口山膏雅善詈

釘靈徒解走三年出象骨十日炙女丑神鼓雷澤
腹帝斷刑天首一搏居有窮九山食相柳蚩尤弃
桎梏貳負遭鑲鈕凡此諸異物其理難細扣歧舌
何能語反膝安可蹂船或坐而削絲或據而歐魚
或海上捕蛇或耳中受不知歲常然抑或事有偶
無腎旣已死何以心不朽夏耕旣無頭何以走厥
咎女尸化蓄草譬若柳生肘淑士處栗廣不異身
橫畝陰廊風雨青虛室神鬼黝森然來搏人駭駭
張血拇令我不敢前頗覺驚心陡昔讀山海經疑
蓄不能剖是書所由來云出伯益手自宜比禹貢

同爲百篇取崇伯有世系乃爲駱明後羽淵化黃
能墀渚復是否攷之於諸書不合十八九上甲微
王亥況又殷事狃其說皆荒唐直可覆醬瓿每思
起九原質之文命后龍威遁甲書從此多紛糾祖
龍見神人漢武宴王母皆於此濫觴奇說相煽誘
安得崑崙墟開陽作干揆不信乘吉量遠有千秋
壽歸來眩心目萬怪陵戶牖且操東向杯帝漿以
爲酒

七修類藁載宋人題嚴陵詩云一著羊裘
用意深羊裘豈是釣魚心當時但著簑衣

去江水茫茫何處尋予謂五月披裘似乎
示與其實深山大澤之中盛夏猶寒嚴先
生止此一領羊裘偶著以垂釣要非有心
子陵之矯在乎堅臥不應加足帝腹爲過
當耳羊裘非所怪也因口占一絕爲先生

解嘲

五月涼風大澤深漁翁也自畏寒侵偶然一著羊
裘出枉被猜疑却聘心

題鐵硯道人羅介人畫梅冊子

我曾家傍西溪住飽看梅花千萬樹又嘗往來臯

亭山處處寒香山翠閒生來與梅爲眷屬一樣尙
憶梅東屋暗香疏影共周旋日對此花猶未足自
從汎宅渡江來夢裏家山一痕綠鐵硯道人鐵作
筆橫埽千枝筆不禿忽持梵夾擲示我照眼驚看
十二幅披圖直似客初還徑向逋仙林下宿想其
酒酣清興催春風拂拂十指迴一重白雲一重雪
凍痕不藉風吹開虬枝橫壓五寸紙焦墨細點千
年苔有時萬朶不著樹落英片片飛紅埃有時燕
支借顏色頗似玉頰浮春醅中有一幅最幽絕圓
蟾冷墮詩人懷多情縞袂暗中立無數翠羽枝頭

來濟公老去顛猶昔四字留題何婉孌

冊首有濟顛僧墨此

書雪海流香四隸字

不知是佛還是仙但對奇蹤愛莫釋西

湖畫手難悉數未見公書有遺蹟此書若今在當時擲筆應須傾一石我來莫慰故鄉心欲乞生綃張素壁煩君重寫一枝春邀取顛師古魂魄

上番筍

安定書院課題

輕雷驚起籜龍眠正值江南早燕天迸土有痕欣乍見淩雲初志已爭先嘗來風味憐鄉物比到班行是少年一樣櫻廚嫌太晚莫教孤負及時鮮

雨前茶

騎火纔過未較遲月團又見破華滋底須水棟誇
新格茶之至早者曰水棟正喜緗花汎舊瓷青箬冷緘挑菜
後綠雲香焙采桑時蠻方尙有驚雷英說與家山
恐未知

春日汎舟平山堂下得絕句十二首

出門便欲舞春風一徑虹橋宛轉通千尺柳絲青
到地不曾遮斷畫闌紅

不雨晴空也颺煙四圍春樹綠無邊畫船如屋花
如海直把遊人送上天

暖氣薰來似酒醲香車寶馬日相逢人人心上春

愁細化作游絲一萬重

淨香園外草痕芳
高詠樓頭燕影忙
如此東風如此水
楊花值得一生狂

衣香鬢影忽相聯
隔著珠簾似隔天
翻怪苧蘿人太俗
鎮將雙眼費金錢

不愛天晴弄日華
更憎衝雨踏汀沙
長留一片輕陰好
半養遊人半養花

夕陽紅壓野橋低
邛上農桑認舊題
船到小金山便轉
春光只在草河西

幾回金碧照亭臺
撲水牕櫺處處開
樓上當風東

面立落花成隊渡湖來

岸草溪花入座看
畫橈催急動微瀾
一條曲折春波路也學柔腸不肯寬

將近蜀岡溪路極窄

蜀岡松色古時春
岡下平蕪接水濱
排著東船西舫密不教吹過馬頭塵

忽忽花事一春過
爲惜忽忽更踏歌
畢竟人情誇富貴牡丹時節管絃多

酒痕空自說杭州
孤負西湖昔日遊
振觸年年鄉思在銷金鍋子不銷愁

吳秋水移寓昇平街次湯甥夢竹韻二首

比隣同占寓公名

秋水向與予寓同巷

卜築依然不隔城十

日韶光妨宿雨一春蹤跡類新鷺已將能事推王

宰

秋水工畫

且共閒情詠洛生見說木蘭花院近曉鐘

催夢未嫌清

地近石塔寺卽唐時木蘭院

廿年小住傍垂楊常爲春陰不下堂遊子琴書原

跌宕故人裘馬易清狂迎門屣倒無多客觸耳音

來頗近鄉

秋水閩人而長於吳越

猶有搏沙知已在未容歸

計說騎牆

輓家友棠孝廉二首

廿年客揚州交君良有因況屬同姓誼居然兄弟

親常時快持論意氣旁無人甌北老月旦二

北倫

趙雲松觀察嘗稱君與予爲二張

我方抱慙惶君乃不怒嗔

頻年打珣礪每慮傷其神昨歲喪所愛欲語含酸
辛我怪君氣索往往不自振果以金閨彥遺委邛
山塵君住東門隅我住西城園迢迢八九坊如隔
天河津過從或時嬾不見動數句前日造我廬頗
覺笑語頻一別轉瞬閒竟將鬼錄掄至今十日來
未信此事真

知交聞君死相顧大錯愕戚黨聞君死急淚一時
落謂君有高堂大意何太虐高堂垂白年精力頗

雙鑠君承菽水歡雖貧有至樂毛義不捧檄潘岳
方居洛人生當此際豈羨三公爵一日棄所養龍
鐘難倚著棘心空天天南風竟誰託君今歿猶視
齋恨入冥漠孤兒與寡婦泣盡血已涸平生出處
意與君同約略邈焉嘆寡儔況又一個弱題詩獻
君座總帳靈風廓知君動悲吟定有大聲作

三影閣卽事

率地簾紋學水流濃春情味黯于秋東風解盡丁
香結難解羈人一段愁

當牕綠淺未成陰已覺房櫳比舊深消受春寒半

庭雨文無花外抱歸心

本草當歸一名文無

聽鄒小鳧說鄱陽湖遭風事走筆記之

昔人談虎亦變色況君奇險親所歷向我鄱陽說
舊遊猶覺餘生難再得當年捧檄長江走日暮帆
檣泊湖口垂天雲亂如墨翻捲地風來作獅吼鄱
陽湖水茫無邊風力鼓浪水力堅浪花萬道併一
道全湖之水皆上天紛紛客船盡飄散飛入湖心
不知岸風聲哭聲兩相亂哭聲還被風吹斷長年
三老無計施鬚有堅冰額有汗舉手不能見五指
作力何由用雙桴颯然打面皆飛屑半是驚沙半

是雪船頭叫呼船尾應聲欲出喉氣先結長篙短
截無可設一任隨風去如瞥布帆重比千鈞鐵幅
幅摧殘如紙裂砉然聲向半空折花擲檣飛似刀
截此時船在湖中拋如雲如馬如狂蛟東西南北
更誰辨血肉擬飽江魚饕忽見團團有紅火一點
光明吹不墮乍疑旭日駐山前還似籠燈懸道左
舟人額手齊下拜知有將軍來救我湖多巨龍甚
靈舟人呼爲
將一浪掀時向天際一浪落時在平地更有數浪
作轉旋如學臨風紡車勢從前昏黑日未見此際
分明心愈悸忽然一浪擲更遠霹靂一聲魂魄逝

始知船已閣沙壩貼安安來同指器仰看神火上
雲霄頃刻流空去如駛君言乍畢氣未平屢把濁
酒君前傾茲事已隔數年久尙欲爲君慶再生一
時身心我亦盡搖蕩但覺滿屋洶洶波濤聲

喜晤鄒小鳧卽送其回江右江西南城丞轉餉來

淮

江水一千里離情十七年相逢仍異地華老各華
顛青眼微官少黃金獨客憐天涯春色好猶及落
梅前

見說謀生拙還聞作宦慵節廉惟飲水事少但哦

松帆影江流急鞭絲楚雨濃看君持一檄不必羨
茅容

此去心應喜家山得暫過

時便道歸里

到門春水長繫

馬綠楊多酒向高堂進詩同弱弟哦簡書期太促
相顧莫蹉跎

晤後應憐我他鄉久索居栖遲同瓊蛄仕宦笑鮎
魚袖裏三年刺風前一紙書不堪隋苑別柳色渺
愁予

慈孝松歌爲鮑氏賦

并序

歙人鮑宗巖字傳叔子壽孫字子壽宋

末避盜於棠樾村左之龍山爲盜所得
將殺之壽孫請代父死宗巖以止此一
子無以承宗祧請赦子而殺己盜兩釋
之後嗣構堂於其地元學士揭侯斯顏
曰慈孝堂堂故有二松爲宗巖所縛處
大者虬枝龍甲有受縛狀小者俯身詰
屈有乞哀狀人呼爲慈孝松事載宋史
孝義傳及明成祖慈孝事實 國朝圖
書集成又圖於明人汪廷訥人鏡陽秋
書今鮑君肯園彙而刻之通爲一卷並

摹其圖皆登諸石徧索題詠予惟鮑氏
父子爭死事載之旣詳且核人已永傳
堂可重建獨惜二松竟不可復識樹猶
如此人將安仰哉予故不弔人而弔松
慕二松尤以慕兩公也

棠樾村前爭死處誌其地者兩松樹龍山堂下形
如龍名字同將慈孝署此事遙遙六百年人松皆
化爲雲煙松不可見圖可見還向圖中識人面當
時生死爭一罅驚魂出入刀光下誠心豈料格豚
魚能使凶頑一朝化分明指點兩蒼髯如對難竿

蒙肆赦大松虬枝勢屈曲彷彿老人遭縛束小松
俯榦親塵埃有若少者搶地哀空山形影常相弔
特爲兩公寫其貌君不見田氏荆能枯榮衛氏柏
連枝碧世閒草木信有神靈物自可知人倫泰山
之松乃受大夫勅伊陽之松更有將軍職松兮松
兮當年何不封爾表厥德人生百歲竟何有古松
千年應可久若教留此兩九九更勝披圖傳不朽
我來懷古悲心胸不能見人願見松吁嗟乎慈孝
之人在青史慈孝之堂賴孫子慈孝之松竟枯死

次韻袁竹室病中移居四首

古巷西頭路幽人卜築偏全家成久客多恙得高
眠貧惜豬肝累名叨菜把賢江關聞庾信早賦小
園篇

人事如流水生涯勝轉蓬閉門三月晚當戶七星
中榻寄南牕傲尊憐北海空晝長無一事春漏正
丁東

囊有吳生筆裝無陸賈金白頭空復爾青眼況而
今且學扶藜嬾從他躡屐尋新來雙燕子珍重畫
梁音

我亦同飄泊頻年客興長宦情魚上竹春夢鹿藏

隍小住楊花薄聯吟芍藥香過從梅正熟休待雨
淋浪

題白秋齋協鎮所弄陳榕門相國手牘卷

子

故將軍是飛將軍白公姓氏驚天人早年登宿衛
專閫吳江濱吳江之民欽如神自吳至揚至淮郡
到處黃金懸肘印大江南北萬萬人說著將軍誰
不信我讀長歌太史蔣

錦山蔣心餘太史有白將軍歌最佳載集中

每

望牙旗神獨往殺賊救焚諸惠政質以人言更無
爽可惜詩篇難盡載合豎豐碑書一丈我來客揚

州將軍已解組同時作寓公邂逅將軍面如虎對

之驚拜頭屢俯師儒筵上劇笑談頗怪將軍不好

武

子於李齊生郡博席上始識將軍

將軍讀書能貫徹將軍下筆

無剽竊六韜三略衝口說一片雄心酒邊熱何用

張鵬眼何用來嚼鐵卽此輕裘緩帶羊太傅名將

風流自卓絕霹靂弓弦閃電馬將軍躍躍從天下

昔日營門列戟開威稜誰識還儒雅桂林陳相公

眼識眞英雄列之薦剡酬厥功褒之手札心有容

戒以太矯激勉以氣矜隆一部循吏傳包羅都在

兩語中將軍守之勿敢失牙籤錦暉裝池工將軍

縱無相公訓此意豈肯忘靖共相公匪爲將軍言
學問之意垂無窮沙隄火冷遺蹟在感恩涕淚霑
心胸熊身燕領亦凋謝將軍殁已十年厚澤萬古江流同
卽今軍興在秦蜀一路瘡痍未曾復

天子殷心聽鼓鼙書生猛氣思橫槊當年將相若
在今定有奇謀書奏牘宣威四海識雄名豈獨江
淮閒草木空教留此數行書開卷令人緬芳躅分
明遺愛似桐鄉沿流尙有軍民哭君不見相公在
志有待相公亡身已藏人生知己盡如此嗚呼將
軍那可死

六月十五日是引珠亡日忽忽一年矣悲

不能釋雜書五首

汝亡已隔年我悲如昨日汝身久無知我懷猶有
失去歲當此時汝正遭奇疾容貌漸以變神智不
少汨守汝不暫離步步在汝室一夜再三起欲視
意轉恍癡心望速痊豈料命遽畢疇昔夢見之醒
眼淚已溢仿佛汝呻吟聲向枕函徹

我自汝殤後出入常不歡豈乏諸兒曹終覺比汝
難亦與爲提攜觸緒轉辛酸汝昔依我側對之心
自安半日不來前便令覓汝看如何一年來棄置

三尺棺偶然風雨至愁汝衣裳單卽今野寺中誰
念魂魄寒萬千憐愛意思之總無端方寸能幾多
有汝那得寬

庸醫慣殺人悞在有成見鄙哉劉衙推循方不知
變去年六月中炎官張火繖流金而爍石萬物盡
焦爛汝病當此際適與天時戰況投膩補物邪火
中交煽我心知有悞不能一決斷及其不可救安
得盧扁換至今怨恨生氣欲衝霄漢我後見劉醫
直欲唾其面旣思有定命彼醫何足算今年伏如
秋涼不藉紈扇汝病若在今何由罹此難天時與

人事咎當各分半

汝生非常兒明慧世所少故我鍾愛心直自汝襁
褓擬待鬻齒後誨之勿草草教汝學作字簪花格
應巧教汝學吟詩唐律恣探討計汝十五六我年
未甚老可以觀汝嫁佳壻永爲好仍令在我側一
切如嬌小得援汝母例庶幾久相保惟愁我貧寒
所願未易了事本難預期況汝死又早嗚呼無可
言此意誰更曉

步出西城門路近西方菴菴中汝殯所回首常再
三家人逢歲時鏹楮每一探今值汝亡日奠汝肴

酒擔汝有同伴相與共分甘去家不一里歸路
尙易諸寂無形與聲豈汝歸未堪想汝魂魄小那
能辨東南汝身雖不見汝棺猶暫淹若更歸葬後
空空何所瞻惟有不盡悲長向中心含

時將歸葬無錫

重陽後三日偕李齋生葛丹井何春渚步

入秋雨巷

客緒逢秋未可刪踏莎且共叩禪關入門竹色侵
衣冷隔院琴聲到耳聞

時先有客於北彈琴

老衲尊於黃面

佛虛堂深似綠雲山沿溪歸路清無滓惟有沙鷗

識往還

稽西峰北上阻水復歸邀遊平山堂別後
郵詩見示奉酬二首

天際銀濤隔馬頭得歸且作及時遊涼風忽送歸
心轉弱柳頻將客意留嵐翠一痕樓外墮桂香萬
斛坐閒浮憑君暫緩蓉江櫂拌與金尊浣別愁
雙槳輕翻一路萍紅橋長傍柳絲青人來隋苑心
多感坐有吳姬眼易醒好月又添波潋灩華燈不
礙樹瓏玲往來無限閒歌吹驚起沙鷗落遠汀

重過秋雨菴竹溪鑑塘兩上人見和前詩

疊韻奉酬

秋蕪承屐冷難刪青豆房深靜掩關幃影棋聲塵
外景鬢絲禪榻客中間耽吟得句先呈佛對畫何
時不在山時鑑塘山可許圓蒲三日坐要從心地
問無還